



Avannaata
Kommunia



Najugaqarfiit tassaarsuaqarsinnaasut

- Ummannami sillimanerunissaq pillugu ilitsersuut



Tassaarsuaqarsinnaanera

2017-imi ajunaarnersuaqarnerani
sualummik Nuugaatsiaq Illorsuit-
llu eqqugaammata, Uummannap
eqqaa tassaarsuaqarsinnaaneranut
qaninnerusoq ersarissivoq.

2021-mi GEUS-ip
misissuereerneratigut ersarissivoq,
taama pisoqaratarsinnaanera
qanoq annertutigisoq, tamannalu
Uummannamut Uummannallu
nunaqarfiinut tamanut atuuttoq.

Taamaalilluni Karrat kangerluata
sineriaanit kujataaniittumit,
imaluunniit qaqqamit Kigarsimamit
qaqqamit sisoornermik
pilersinneqarsinnaasumit
Uummannami aamma
tassaarsuaqarnissamut
aarlerineqartoqarpoq.

Ersarissumik
oqaatigineqarsinnaanngilaq
qaqugukkut qaqqat
sisoorsinnaanerat
taamaattorli aallaavittut
oqaatigineqarsinnaavoq ullup
qanorilinera aamma ukiup
qanorilinera apeqqutaatinnagu
qaqqaq sisoorsinnaasoq.

Aamma ima isumaqarpoq, aatsaat
ukiorpassuit qaangiuppata
tassaarsuaqarsinnaasoq
taamaalilluni illit
ilaquttatilluunniit ajunaarnersuaq
misigissanngikkissi.

Taamaattorli qularutissaanngilaq
tassaarsuit annertoorujussuarmik
aserorterinissaat inunnullu
mallinik qaartaarfiusuniittuni
uloriarnartorsiorfitsisinnaanerat.

Taamaattumik pingaaruteqarpoq,
najungaqarfigisanni
ulorianartorsiorfiusinnaasoq
paasiniarluassallugu aamma
qanoq isumannaatsumut
pisinnaanissat paasiniassallugu.

Tassaarsuaqalinnginnerani

Illoqatitit tassaarsuqalernerani piareersakkit

Tassaarsuaqalernissaanut ilimasaarisoqassappat illillu qarsutsiviusinnaasumiillutit uninngaguit, najugaqaruit, suliguit imaluunniit atuaruit piffik tamanna ingerlaannaq qimassavat. Qarsutsiviusinnaasoq qimassavat katersuuffissamullu ornigullutit.

Atisat nerisassat puiaasallunniit imermik imallit poortornissaannut piffissaqassanngilaq. Taamaattumik illugisanni ajunaarnersuaqalernerani poortukkamik piareersareersimanissaq isumassarsilluatsialaavoq, pisariaqarnerpaanik imaqartussamik.

Ilaquttatit oqaloqatigikkit

Ilaquttatit oqaloqatigalugit pilersaarusoqatigigukkit taava tamarmik nalussanngilaat tassaarsuaqarpat qanoq iliussanerlutik. Qarsutsiviusinnaasumi suliguit taava paasiniaruk upalungaarsimanermut pilersaarut suliffernut tunngasoq qanoq imaqarnersoq.

Taamaalilluni uippakajaartoqalernissaq annikillissaaq qulakkeerreqassallunilu illoqutigiit tamarmik eqqissimanerusumik eqqarsarnissaat taamaalillunilu ajunaarnersuup nalaani qisuariarnerat sukkanerussalluni.

Nunaqarfinni ilaqutaqaruit

Uummannami nunaqarfiit arlaanni ilaqutaqaruit tassaarnersuaqarnerani ikiuisut aamma taakkununga takkutissanerat ilisimasariaqarpat:

- Qanoq annanniartoqartarnissamut, aammalu ikiuisussat takkunnissaasa tungaannut qanoq iliornissamut nunaqarfiit namminneq ingerlatassanik aamma peqarput.
- Pisariaqartinneqassappat nunaqarfinni innuttaasut eqqorneqartut ilaat siullertut Uummannaliaanneqarumaarput.

Sumiiffiit isumannaatsut ilisimakkit

Ataani nunap assingani takuneqarsinnaapput Uummannami qarsutsiviusinnaasut killeqarfii, kiisalu illoqarfimmi katersuuffissaq, timersortarfik.

Nunap assinganik tassannga ilisimasaqarnissat pingaartuuvoq.

Ulitsinersuaqarfik = Ajutoorluinnarfinni tassaarsuaqarnerani sumiiffiit eqqugaasussat.

Katersuuffik = Tassaarsuaqarnerata kinguninngua innuttaasut tamarmik ornitassaat.

Uummannaq

-  **Iluliat**
Bygninger
-  **Ulitsinersuaqarfik**
Risikozone
-  **Katersuuffiit**
Samlingssted



Tassaarsuaqarnerata nalaani

Tassaarsuaqalissagaluarpat

Sissamiinnerni mallit assut nusutsippata sissamiit qimagutissaatit portunersamullu qimaallutit.

Inuit eqqanniittut kalerrickit.

Annaassiniarnermut Upalungaarsimatitat politiillu nalunaarfigineqarunik tassaarsuarmik takkuttoqalersoq illoqarfik kalerrisaassuaat. Tassaarsuaqarneranik kalerritsikkuit erngertumik qasutsiviusinnaasoq qimatserasuassavat.

Taamaattumik umiatsiat, inigisat, suliffiit atuarfilluunniit ernertumik qimassavat. Pigisatit allat qimassavatit naak annaassangaluarukkilluunniit.

Pingaaruteqarpoq qarsutsiffiusinnaasoq qimallugu isumannaatsumut inissinnissat. Qarsutsiviusinnaasumi najugaqaruit suliguilluunniit, taava timersortarfiliarit taanna illoqarfimmi katersuuffissiaammat. Tassangaanniik qulakkeerneqassaaq kikkut isumannaatsuunersut kikkulluunniit maqaasisaanersut.

Eqqaamallugu!

- Tassaarsuaq takuniarlugu sissamukanngilluinnarnissaq.
- Nammineq sissaliassanngilatit naak mallit tassaarsuaqarnerata kingorna nusutsikkaluarpata. Tassaarsuit malinnit arlalinnik malitseqartarput arlalinnillu malitseqarsinnaapput.
- Inuup arpassinnaanerani tassaarsuaq sukkanerusarpoq. Taamaattumik isumannaatsumut pinissat tikillugu portunersamukarit.

Tassaarsuaqarnerup kingorna

Isumannaatsumiigit

Tassaarsuaqareerpat sissap killinganiik isumannaatsumiiginnarit tassa tassaarsuaq arlalinnik annerusunillu malitseqartarmat.

Uummanaq sarfaarussinnaavoq mobilitigullu attaveerulluni. Katersuuffiusumi periarfissaqassaaq sarfaliuu-sernissamut taamaasilluni kallerup inneqarluni kiassagaaffiusinnaavoq. Taamaattoq Nukissiorfiit illoqarfim-mut tamarmut sarfaliuutit atorlugit 2-4 tiimit iluanni sarfamik pilersitseqqissapput.

Qarsutsiviusup killeqarfia avataani najugaqaruit sapinngisamik angerlarsimagit. Taamaallaat qimassinnaavat ikiortariaqaleruit allamilluunniit ajortoqalerpat pisariaqatitsilersumik. Periarfissaqarpat raatiu ikiguk KNR-miillu nutaarsiassat utaqqillugit. Ikiorneqassanguit, taava illoqarfimmi katersuuffiusumukarit.

Ikiuisussat aggerput

Illoqarfik tassaarsuarmik eqqungaasimappat ikiuuttussat avataaniit takkutissapput. Kalaallit Nunaanni Politiit Issittumi Sakkutooqarfik aamma Avannaata Kommunianni Annaassiniarnermut Upalungaarsimatitat, taakku- alu tamarmik suliarissavaat sumiiffimmuut pisariaqartutigit piaarnerpaamik ikiuigasuarinissartik.

Pisariaqartitsisoqarpat illit ilaqtatillu nunaqarfimmiit qimarngunneqassuusi isumannaannerusumut.

Uummannami nunaqarfiinilu tassaarsuaqartillugu paasissutissat annerusut:

Kommunip nittargaa takujuk
www.avannaata.gl/tsunami



Avannaata
Kommunia

www.avannaata.gl
(+299) 70 18 00